

## **Vo allne Siite (Psalm 139)**

Ich sitze oder stah grad uf, so weisch du das scho  
Keis Wort uf minere Zunge wo du nonig hetsch vernoh  
Ich laufe oder ligge, so bisch du bi mir  
Wo allne Siite umgisch Du mich, Dini Hand isch über mir

Und nähmt i d'Flügel vom Morgerot und flügt i as üsserschi Meer  
So würd au Dini Hand und Dis Liecht mich dete berühre - und mich führe

## **Vo allne Siite umgisch Du mich Dini Hand isch über mir**

Du häsch mich im Mueterliib scho bildet s'isch es Gschänk  
Ich chan das nöd begriife, cha nur stuune, wänn i so dänk  
Dini Auge händ mi scho gseh, won i no niened's bin gsii  
I dim Buech stönd all Tag gschriebe, wo werdet cho und scho sind gsii

Und nähmt i d'Flügel vom Morgerot...

## **Chorus**

Erforsch mi Gott, erkänn mis Härz - und prüef mi wien i's mein  
Lueg ob ich uf bösem Wäg und leit mich zu Dir hei  
Ich laufe oder ligge, so bisch du bi mir  
Vo allne Siite umgisch Du mich, Dini Hand isch über mir

Und nähmt i d'Flügel vom Morgerot...

## **Chorus**